



Rimnada sistemática da dretg communal dalla Vischnaunca da Sagogn

Nummera **0220.01.01**

Tetel **Uorden da taxas da baghegiar**

Ediziun Revisiun dils 16.04.2015

Ediziun dils 27.05.2014
Revisiun dils 27.11.2000
Ediziun dils 12.03.1982

Valeivel 05.05.2015

Remarcas preliminaras

Ord motivs da simplificaziun serefereschan indicaziuns da personas, funcziuns e mistregns en questa publicaziun uffiziala mintgamai sin tuttas schlatteinas, expriu sch'igl ei stipulau explicit zatgei auter.

Davosa correctura informala 10.03.2024 tras Thomas Candrian

Cuntegn

| | |
|-----------------------------------|----------|
| I. Disposiziuns generalas | 3 |
| II. Determinaziuns finalas | 5 |

I. DISPOSIZIUNS GENERALAS

Sebasond sigl art. 51 alinea 4 dalla lescha da baghegiar (LB) relai la suprastanza communal da Sagogn la suandont uorden da taxas per la procedura per lubientschas da baghegiar.

Applicaziun

Art. 1

¹ Quei uorden da taxas vegn applicaus per tuttas proceduras per lubientschas da baghegiar.

² Ella ei era applicabla per las proceduras da lubientscha ch'eiin prevedidas els reglements d'avertura.

Damondas per baghetgs novs, annex e construcziuns sin tetg sco era midadas da baghetg

Art. 2

¹ Per tractar damondas da baghegiar tenor art. 51 cefra 1 LB vegn ei encassau ina taxa da frs. -.60 per m³ cubatura dalla construcziun, denton sil pli pauc frs. 150.--.

² Quella taxa per tractar cuarcla las spesas normalas dalla vischnaunca per examinar, publicar e tractar la damonda da baghegiar sco era ils cuosts da canzlia.

a) taxa per tractar

b) Cuosts supplementars

Art. 3

¹ Sco cuosts supplementars ch'eiin buca curclai tras la taxa per tractar, valan las suandontas prestaziuns dalla vischnaunca:

- a) ils cuosts per las controllas da baghegiar e las controllas posteriusas,
- b) las expensas per consultaziuns da baghegiar,
- c) ils cuosts per expertisas,
- d) discuors e conferenzas cul petent,
- e) per far specialmein diever dall'istanza da baghegiar

² Ils cuosts supplementars dalla vischnaunca vegnan mess a quen al petent mintgamai tenor las tariffas d'indemnisaziun pils funcziunaris communs.

³ Ils cuosts per expertisas d'ordeifer vegnan mess a quen al petent tenor il quen tschentaus digl expert.

**Autras decisiuns
en fatgs da
baghegiar**

Art. 4

¹ Per tuttas proceduras da baghegiar che pertuccan buca las dispiziuns dils art. 2 e 3 sco era per decisiuns da fallonza, da restabiliment e decisiuns preliminaras vegn ei incassau ina taxa calculada tenor las expensas effectivas dalla vischnaunca, denton silmeins frs. 50.—

² La taxa ei da quintar tenor las disposiziuns digl art. 3 alinea 2 e 3.

**Refusaziun e
midada dalla
damonda da
baghegiar**

Art. 5

¹ Per damondas da baghegiar refusadas e tier midadas da projects da baghegiar lubi eis ei generalmein d'incassar ina taxa che corrispunda als cuosts caschunai (Art. 4).

**Renunzia alla
lubientscha da
baghegiar**

Art. 6

¹ Vegn in project da baghegiar lubius buca exequius, ston las taxas fixadas tuttina vegnir pagadas.

² Taxas già pagadas vegnan buca restituidas.

Fixar las taxas

**a) Damondas per
baghetgs novs
annex, accessoris
e construcziuns
sin tetg sco era
per midadas da
baghetgs**

Art. 7

¹ La taxa per tractar, culponta tenor art. 2, vegn fixada e calculada il mument che la lubientscha da baghegiar vegn dada, e quei sin fundament dallas indicaziuns tenor la damonda da baghegiar ensemen cun las taxas culpontas per expensas supplementaras già succedidas tenor art. 3. Quella taxa per tractar vegn communicada al petent ensemen cun la lubientscha da baghegiar.

² Ils cuosts per las controllas da baghegiar sco era expensas supplementaras che seresultan pli tard per la vischnaunca, ein da comunicar al petent en ina speciala decisiun suenter la collaudaziun dil baghetg.

b) Ulteriuras taxas Art. 8

¹ Tuttas taxas buca suttamessas allas disposiziuns dils art. 2 e 3 vegnan fixadas dall'istanza da baghegiar sin proposta dalla cumissiun da baghegiar ed ein da comunicar al petent ensemen cun la decsiun davart la lubientscha da baghegiar.

Pagament dallas taxas Art. 9

¹ Tuttas taxas ein da pagar enteifer 30 dis dapi la consignaziun dalla decisiun, denton en mintga cass avon ch'entscheiver a baghegiar.

II. DETERMINAZIUNS FINALAS**Vigur Art. 10**

¹ Quest uorden entra en vigur suenter ch'ell ei vegnius approbaus dalla suprastonza communal.

² Quest uorden remplazza tutts uorden anteriurs.

| | |
|---|------------|
| Ediziun approvada dalla Suprastonza communal ils | 05.05.2015 |
| Ediziun approvada dalla Radunonza communal ils | - |
| Ediziun approvada dalla Regenza dil cantun GR ils | - |